



**Broj: 02-50-1-16-11,12/07
Sarajevo: 25.2.2008. godine**

**ZAPISNIK
nastavka 11. i Zapisnik 12. sjednice Doma naroda
Parlamentarne skupštine Bosne i Hercegovine,
održane 25.2. 2008.godine**

Sjednica je počela u 11,20 sati.

Sjednicom je predsjedavao Mladen Ivanić, prvi zamjenik predsjedavajućeg Doma naroda Parlamentarne skupštine BiH.

Nastavku 11. sjednice prisustvovalo je 14 delegata.

Delegat Sulejman Tihic opravdao je izostanak.

Osim delegata, na sjednici Doma naroda bili su predstavnici Vijeća ministara BiH, međunarodnih organizacija i sredstava javnog informiranja.

U nastavku 11. sjednice Doma naroda razmatrano je:

1. Izjašnjavanje delegata o Prijedlogu zakona o denacionalizaciji u prvom čitanju, predlažać: Vijeće ministara BiH.

Ad. 1. Izjašnjavanje delegata Doma naroda o Prijedlogu zakona o denacionalizaciji u prvom čitanju, predlažać: Vijeće ministara BiH

U raspravi o ovoj tački dnevnog reda učestvovala je delegat Dušanka Majkić.

S obzirom da Dom naroda, prilikom glasanja o Prijedlogu zakona o denacionalizaciji u prvom čitanju, nije imao entitetsku većinu, uslijedilo je usaglašavanje Kolegija Doma naroda. Kolegij nije postigao saglasnost pa se pristupilo drugom krugu glasanja. U drugom krugu 2/3 od prisutnih delegata iz jednog entiteta glasalo je "protiv", pa je samim tim Prijedlog zakona odbijen.

12. sjednica Doma naroda počela je u 11,35 sati.

Nakon rasprave u kojoj su učestvovali Hazim Rančić, Dušanka Majkić i Alma Čolo, Dom naroda jednoglasno je usvojio sljedeći izmijenjeni i dopunjeni

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 11. sjednice Doma naroda;
3. Izvještaj Zajedničke komisije o nastojanju za postizanje sporazuma o identičnom tekstu Zakona o internoj reviziji u institucijama BiH;
4. Prijedlog zakona o sportu u BiH, drugo čitanje, predlagač: Vijeće ministara BiH;
5. Prijedlog zakona o osnivanju Zavoda za izvršenje krivičnih sankcija, pritvora i drugih mjera, drugo čitanje - predlagač: Vijeće ministara BiH;
6. Prijedlog zakona o izmjenama i dopunama Zakona o putnim ispravama BiH, drugo čitanje, predlagač: Vijeće ministara BiH;
7. Prijedlog zakona o vinu, rakiji i drugim proizvodima od grožđa i vina, drugo čitanje, predlagač: Vijeće ministara BiH;
8. Prijedlog zakona o izmjeni Zakona o Vijeću ministara BiH, drugo čitanje, predlagač: Predstavnički dom;
9. Prijedlog zakona o izmjeni Zakona o odlikovanjima BiH, drugo čitanje, predlagač: Vijeće ministara BiH;
10. Prijedlog zakona o Budžetu institucija BiH i međunarodnih obaveza BiH za 2008. godinu, prvo čitanje, predlagač: Predstavnički dom;
11. Prijedlog zakona o kretanju i boravku stranaca i azilu, prvo čitanje, predlagač: Vijeće ministara BiH;
12. Prijedlog zakona o izmjenama i dopunama Zakona o Službi za poslove sa strancima, prvo čitanje, predlagač: Vijeće ministara BiH;
13. Prijedlog zakona o izmjenama i dopunama Zakona o carinskoj politici BiH, prvo čitanje, predlagač: Predstavnički dom;
14. Prijedlog zakona o nezavisnim i nadzornim organima policijske strukture BiH, prvo čitanje, predlagač: Vijeće ministara BiH;
15. Prijedlog zakona o Direkciji za koordinaciju policijskih organa i agencijama za podršku policijskoj strukturi BiH, prvo čitanje, predlagač: Vijeće ministara BiH;
16. Izvještaj Državne komisije za reviziju odluka o naturalizaciji starnih državljana u BiH za period od 1.3. 2006. do 31.12.2007.;
17. Predlog rezolucije o ubrzanju procesa pristupanju Bosne i Hercegovine u članstvo Evropske unije – predlagač: delegat Adem Ibrahimpašić;
18. Prijedlog rezolucije o spremnosti Bosne i Hercegovine za NATO integracije – predlagač: delegat Ivo Miro Jović;
19. Davanje saglasnosti za ratifikaciju Sporazuma o dugoročnom strateškom partnerstvu između Ministarstva sigurnosti BiH i Ženevskog centra za demokratsku kontrolu oružanih snaga (DCAF);
20. Davanje saglasnosti za ratifikaciju Protokola iz Kjota uz Okvirnu konvenciju Ujedinjenih naroda o promjeni klime – Kjoto, 11. decembra 1997. godine;
21. Davanje saglasnosti za ratifikaciju Osnovnog ugovora između Bosne i Hercegovine i Srpske pravoslavne crkve.

Ad.1. Odgovori na delegatska pitanja i delegatska pitanja

Odgovore na delegatska pitanja dobili su: Rudo Vidović, Hilmo Neimarlija, Dušanka Majkić i Hazim Rančić.

Delegat Hazim Rančić izjasnio se da je zadovoljan odgovorom, dok delegat Rudo Vidović se nije izjašnjavao da li je zadovoljan odgovorom već je konstatovao da je dobio odgovor samo od Zajedničke službe Parlamentarne skupštine BiH a ne i od Vijeća ministara BiH iako je i njima postavio pitanje

Delegat Hilmo Neimarlija izjasnio se da je samo djelimično zadovoljan dobijenim odgovorom od Vijeća ministara BiH

Delegati Dušanka Majkić izjasnila se da nije zadovoljna odgovorom.

Delegat Dušanka Majkić postavila je sljedeće pitanje Vijeću ministara BiH, odnosno Ministarstvu komunikacija i prometa BiH.

1. „Kada će biti ispunjena obaveza iz člana 10. Zakona o osnovama sigurnosti saobraćaja na putevima u BiH u kojoj se navodi da će „radi praćenja efikasnosti u provođenju ovog zakona i ispunjavanja uslova i obaveza na međunarodnom planu, državne institucije, nadležne za vođenje centralnih evidencija, uspostaviti Centralni registar“?
2. „Kada će biti ispunjena obaveza iz člana 251. Zakona o sigurnosti saobraćaja na putevima u BiH u kojoj se navodi da se „s ciljem unapređanja saobraćajno-obrazovnog rada, saobraćajne kulture i koordiniranja svih subjekata koji svojim djelovanjem mogu da doprinesu većoj sigurnosti saobraćaja, osniva Vijeće za sigurnost saobraćaja“?
3. „Da li su završeni svi podzakonski akti koji prate ovaj zakon“?

Delegat Slobodan Šaraba uz negodovanje što do sada nije dobio odgovor na postavljeno delegatsko pitanje a odnosi se na prava jednog broja ljudi koji su smjenjeni odlukom visokog predstavnika, postavio je sljedeća pitanja Vijeću ministara BiH:

1. „Kada će Vijeće ministara BiH pokrenuti inicijativu za prekategoriizaciju graničnog prijelaza Ivanjica iz putničkog u robni prijelaz, s obzirom da za to postoje opravdani ekonomski razlozi a saglasno članu 4. tačka 1. i 2. Zakona o postupku zaključivanja međunarodnih ugovora?“
2. „Koji su razlozi zbog kojih do sada nije počela izgradnja graničnog prijelaza Ivanjica i kada će početi radovi na njegovoj rekonstrukciji s obzirom da postoji projektna dokumentacija i precizno definirana lokacija?“

Delegat Adem Ibrahimpašić je postavio pitanje, kada će se nastaviti procedura u vezi sa Prijedlogom zakona o izmjenama Zakona o carinskoj tarifi a na samoj sjednici zamjenik ministra, Fuad Kasumović je odgovorio na postavljeno pitanje.

Ad.2. Usvajanje Zapisnika 11. sjednice Doma naroda

Dom naroda jednoglasno je usvojio Zapisnik 11. sjednice Doma naroda.

Ad.3. Izvještaj Zajedničke komisije o nastojanju za postizanje sporazuma o identičnom tekstu Zakona o internoj reviziji u institucijama BiH

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o internoj reviziji u institucijama BiH pa je samim tim Zakon usvojen.

Ad.4. Prijedlog zakona o sportu u BiH, drugo čitanje, predlagač: Vijeće ministara BiH

U uvodnom izlaganju predsjedavajući je podsjetio na Izvještaj nadležene komisije koja je usvojila 19.amandmana i koji su postali sastavni dio teksta zakona.

U raspravi o ovoj tački dnevnog reda učestvovali su Slobodan Šaraba i Zoran Koprivica.

Novih 6.amandmana podnio je delegat Slobodan Šaraba.

Poslije rasprave pristupilo se glasanju o amandmanima. Nijedan amandman nije dobio većinu. Rezultati glasanja o amandmanima su sljedeći:

Amandman 1. – „za“ 1, „protiv“ 13.

Amandman 2. – „za“ 1, „protiv“ 13.

Amandman 3. – „za“ 1, „protiv“ 13.

Amandman 4. – „za“ 1, „protiv“ 13.

Amandman 5. – „za“ 1, „protiv“ 12, „uzdržan“ 1.

Amandman 6. – „za“ 2, „protiv“ 12.

Nakon glasanja o amandmanima Dom naroda je, sa 10 glasova „za“ i jednim glasom „protiv“, usvojio Zakon o sportu u BiH u identičnom tekstu kao i Predstavnički dom zajedno s zaključkom koje je donijela komisija, koje je tehničko dotjerivanje teksta Zakona a glasi:

“ U svim članovima Prijedloga zakona o sportu u Bosni i Hercegovini, pri konačnoj redakciji teksta, sve riječi : “entiteti”, “drugi nivoi administrativnog organizovanja” i druge sintagme koje upućuju na oba entiteta i Federaciju BiH, u odgovarajućem padežnom obliku, zamijeniti riječima “Republika Srpska”, “kantoni” i “Distrikt Brčko”, te “gradovi i općine” kao jedinice lokalne uprave i samouprave.”

Ad.5. Prijedlog zakona o osnivanju Zavoda za izvršenje krivičnih sankcija, pritvora i drugih mjera, drugo čitanje, predlagač: Vijeće ministara BiH

U uvodnom izlaganju predsjedavajući je podsjetio na Izvještaj nadležene komisije koja je usvojila 3.amandmana i koji su postali sastavni dio teksta zakona.

Rasprava o ovoj tački dnevnog reda nije vođena.

Dom naroda je, sa 13 glasova „za“ i jednim „suzdržanim“, usvojio Zakon o osnivanju Zavoda za izvršenje krivičnih sankcija, pritvora i drugih mjera u identičnom tekstu kao i Predstavnički dom.

Ad.6. Prijedlog zakona o izmjenama i dopunama Zakona o putnim ispravama BiH, drugo čitanje, predlagač: Vijeće ministara BiH

U uvodnom izlaganju predsjedavajući je podsjetio na Izvještaj nadležene komisije koja je usvojila 3.amandmana i koji su postali sastavni dio teksta zakona kao i na to da je Predstavnički dom usvojio Zakon sa 2. amandmana.

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjenama i dopunama Zakona o putnim ispravama BiH sa sljedećim amandmanima:

Amandman I.

U članu 13. Zakona o putnim ispravama BiH, iza dosadašnjeg stava (5), koji postaje stav (6), dodaje se novi stav (7) koji glasi:

„Izuzetno od stava (1) ovog člana, uz zahtjev za izdavanje putne isprave za strance podnosilac zahtjeva daje na uvid dokumente predviđene propisom donesenim na osnovu Zakona o kretanju i boravku stranaca i azilu“.

Amandman II.

Član 21. Prijedloga zakona o izmjenama i dopunama Zakona o putnim ispravama BiH, mijenja se i glasi:

"Putne isprave predviđene ovim zakonom izdaju se s rokom važenja od pet godina, a licima koja nisu navršila sedam godina života s rokom važenja od tri godine, osim putne isprave za izbjeglice i putne isprave za lica bez državljanstva koje se izdaju s rokom važenja od dvije godine, te putnog lista za državljane BiH i putnog lista za strance koji se izdaju s rokom od važenja 30 dana."

Amandman III.

U članu 22. briše se druga rečenica koja glasi: „Zakon će se početi primjenjivati po sticanju tehničkih uslova, što će biti određeno posebnim aktom Ministarstva civilnih poslova.“

U istom članu dodaje se stav (2), koji glasi:

„(2) Odredbe člana 7. ovog zakona početak će se primjenjivati po sticanju tehničkih uslova, što će biti određeno posebnim aktom Ministarstva civilnih poslova.“

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za postizanje sporazuma o identičnom tekstu Zakona:

Dušanku Majkić
Rudu Vidovića
Almu Čolo

Ad.7. Prijedlog zakona o vinu, rakiji i drugim proizvodima od grožđa i vina, drugo čitanje, predlažak: Vijeće ministara BiH

U uvodnom izlaganju predsjedavajući je podsjetio na Izvještaj nadležene komisije koja je usvojila 13.amandmana i koji su postali sastavni dio teksta zakona.

U raspravi o ovoj tački dnevnog reda učestvovali su Slobodan Šaraba i Alma Čolo.

Nova 2.amandmana podnio je delegat Slobodan Šaraba.

Poslije rasprave pristupilo se glasanju o amandmanima. Nijedan amandman nije dobio većinu. Rezultati glasanja o amandmanima su sljedeći:

Amandman 1. – „za“ 1, „protiv“ 13.

Amandman 2. - „za“ 1, „protiv“ 13.

Nakon glasanja o amandmanima, Dom naroda jednoglasno je usvojio Zakon o vinu, rakiji i drugim proizvodima od grožđa i vina u identičnom tekstu kao i Predstavnički dom.

Ad.8. Prijedlog zakona o izmjeni Zakona o Vijeću ministara BiH, drugo čitanje, predlagač: Predstavnički dom

U uvodnoj napomeni predsjedavajući je rekao da je nadležna komisija prihvatila Prijedlog zakona u predloženom tekstu i da nije bilo amandmana.

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjeni Zakona o Vijeću ministara BiH u identičnom tekstu kao i Predstavnički dom.

Ad.9. Prijedlog zakona o izmjeni Zakona o odlikovanjima BiH, drugo čitanje, predlagač: Vijeće ministara BiH

U uvodnoj napomeni predsjedavajući je rekao da je nadležna komisija prihvatila Prijedlog zakona u predloženom tekstu i da nije bilo amandmana.

Rasprava o ovoj tački dnevnog reda nije vođena.

Dom naroda jednoglasno je usvojio Zakon o izmjeni Zakona o odlikovanjima BiH u identičnom tekstu kao i Predstavnički dom.

Ad.10. Prijedlog zakona o Budžetu institucija BiH i međunarodnih obaveza BiH za 2008. godinu, prvo čitanje, predlagač: Predstavnički dom

U raspravi o ovoj tački dnevnog reda učestvovali su: Dušanka Majkić, Branko Zrno, Božo Rajić, Slobodan Šaraba, Hazim Rančić, Alma Čolo, Ivo Miro Jović i Adem Ibrahimpašić.

Dom naroda je, sa 13 glasova „za“ i jednim glasom „protiv“, usvojio u prvom čitanju Prijedlog zakona o Budžetu institucija BiH i međunarodnih obaveza BiH za 2008. godinu.

Ad.11. Prijedlog zakona o kretanju i boravku stranaca i azilu, prvo čitanje, predlagač: Vijeće ministara BiH

U raspravi o ovoj tački dnevnog reda učestvovala je Dušanka Majkić.

Dom naroda jednoglasno je usvojio u prvom čitanju Prijedlog zakona o kretanju i boravku stranaca i azilu.

Ad.12. Prijedlog zakona o izmjenama i dopunama Zakona o Službi za poslove sa strancima, prvo čitanje, predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o Službi za poslove sa strancima.

Ad.13. Prijedlog zakona o izmjenama i dopunama Zakona o carinskoj politici BiH, prvo čitanje, predlagač: Predstavnički dom

U raspravi o ovoj tački dnevnog reda učestvovali su: Alma Čolo, Rudo Vidović, Adem Ibrahimpašić, Dušanka Majkić i predstavnik predlagača Beriz Belkić.

Dom naroda je, u prvom čitanju, sa 11 glasova „za“, dva glasa „protiv“ i jednim „suzdržanim“, prihvatio Mišljenje nadležne komisije koja nije prihvatila principe Prijedloga zakona, pa je samim tim Prijedlog zakona odbijen.

Ad.14. Prijedlog zakona o nezavisnim i nadzornim organima policijske strukture BiH, prvo čitanje, predlagač Vijeće ministara BiH

U raspravi o ovoj tački dnevnog reda učestvovali su: Hazim Rančić, Slobodan Šaraba, Dušanka Majkić, Branko Zrno, Ivo Miro Jović, Božo Rajić, Adem Ibrahimpašić, Mladen Ivanić, Zoran Koprivica, Alma Čolo, Hilmo Neimarlija i Rudo Vidović.

Dom naroda je u prvom čitanju, sa devet glasova „za“ i četiri „protiv“, usvojio Prijedlog zakona o nezavisnim i nadzornim organima policijske strukture BiH sa sljedećim zaključkom:

„Dom naroda Parlamentarne skupštine BiH poziva Evropsku uniju, gosp. Olija Rena i OHR da, što je prije moguće, potpišu s Bosnom i Hercegovinom Sporazum o stabilizaciji i pridruživanju.“

Ad.15. Prijedlog zakona o Direkciji za koordinaciju policijskih organa i agencijama za podršku policijskoj strukturi BiH, prvo čitanje, predlagač: Vijeće ministara BiH

Rasprava o ovoj tački dnevnog reda nije vođena.

Dom naroda je u prvom čitanju, sa 12 glasova „za“ i dva glasa „protiv“, usvojio Prijedlog zakona o Direkciji za koordinaciju policijskih organa i agencijama za podršku policijskoj strukturi BiH.

Ad.16. Izvještaj Državne komisije za reviziju odluka o naturalizaciji starnih državljana u BiH za period od 1.3. 2006. do 31.12.2007.

U raspravi o ovoj tački dnevnog reda učestvovali su: Dušanka Majkić, Ivo Miro Jović i Alma Čolo.

Dom naroda jednoglasno je usvojio Izvještaj Državne komisije za reviziju odluka o naturalizaciji starnih državljana u BiH za period od 1.3.2006. do 31.12.2007., sa zaključcima koje je predložila Zajednička komisija, i to:

1. Prihvata se Izvještaj o radu Državne komisije za reviziju odluka o naturalizaciji stranih državljana u Bosni i Hercegovini za period od 1.3.2006. do 31.12.2007. godine, u kojem se konstatira da nije bilo kršenja ljudskih prava .
2. Državnoj komisiji za reviziju odluka o naturalizaciji stranih državljana u Bosni i Hercegovini, imenovanoj Odlukom Vijeća ministara BiH, VM broj 46/06, od 16. 2. 2006., produžava se mandat poslije 17. 2. 2008., na period od jedne godine. U tom periodu Vijeće ministara BiH će posredstvom resornog ministarstva stvoriti zakonske i druge pretpostavke za nastavak postupka revizije naturaliziranih stranih državljana u Bosni i Hercegovini.
3. Traži se od Ministarstva vanjskih poslova BiH da osnuje komisiju u koju će Državna komisija imenovati svog predstavnika da, u roku od 90 dana, izvrši uvid u arhivu Ministarstva i izdvoji sve predmete – spise lica koja porijeklom nisu s teritorije bivše Jugoslavije, kao i lica koja su porijeklom s teritorije bivše Jugoslavije, a kojima je državljanstvo Bosne i Hercegovine dodijeljeno naturalizacijom, te su predmet revizije. Ta komisija će u navedenom roku izvijestiti Državnu komisiju o broju predmeta - spisa.

4. Članovima Državne komisije i Sekretarijata isplaćivat će se naknada u iznosu utvrđenom Odlukom Vijeća ministara BiH, VM broj 41/06, a u skladu s Odlukom o načinu osnivanja stručnih komisija i drugih tijela i utvrđivanju kriterija za određivanje novčanih naknada za rad članovima komisija i drugih tijela iz nadležnosti Vijeća ministara Bosne i Hercegovine („Službeni glasnik BiH“, br. 81/07).
5. Izvještaj kao informaciju treba dostaviti svim resornim ministarstvima koja su vodila prvostepeni postupak i donosila odluke o dodjeljivanju državljanstva Bosne i Hercegovine i nadležnim pravosudnim organima radi eventualnog nadležnog postupanja.

Ad.17. Prijedlog rezolucije o ubrzanju procesa pristupanju Bosne i Hercegovine u članstvo Evropske unije – predlagač: delegat Adem Ibrahimpašić

U raspravi o ovoj tački dnevnog reda učestvovali su: Zoran Koprivica, Adem Ibrahimpašić, Alma Čolo, Ilija Filipović i Branko Zrno.

Dom naroda je, s devet glasova „za“ i četiri „suzdržana“, usvojio Rezoluciju o ubrzanju procesa pristupanja Bosne i Hercegovine u članstvo Evropske unije čiji je predlagač delegat Adem Ibrahimpašić sa zaključkom da se tačke 9. i 10. iz predložene rezolucije brišu.

Ad.18. Prijedlog rezolucije o spremnosti Bosne i Hercegovine za NATO integracije – predlagač: delegat Ivo Miro Jović

Rasprava o ovoj tački dnevnog reda nije vođena.

Dom naroda jednoglasno je usvojio Rezoluciju o spremnosti Bosne i Hercegovine za NATO integracije čiji je predlagač delegat Ivo Miro Jović.

Ad.19. Davanje saglasnosti za ratifikaciju Sporazuma o dugoročnom strateškom partnerstvu između Ministarstva sigurnosti BiH i Ženevskog centra za demokratsku kontrolu oružanih snaga (DCAF)

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o dugoročnom strateškom partnerstvu između Ministarstva sigurnosti BiH i Ženevskog centra za demokratsku kontrolu oružanih snaga (DCAF).

Ad.20. Davanje saglasnosti za ratifikaciju Protokola iz Kjota uz Okvirnu konvenciju Ujedinjenih naroda o promjeni klime – Kjoto, 11. decembra 1997. godine

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Protokola iz Kjota uz Okvirnu konvenciju Ujedinjenih naroda o promjeni klime – Kjoto, 11. decembra 1997. godine.

Ad.21. Davanje saglasnosti za ratifikaciju Osnovnog ugovora između Bosne i Hercegovine i Srpske pravoslavne crkve

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Osnovnog ugovora između Bosne i Hercegovine i Srpske pravoslavne crkve.

Sjednica je završena u 15 sati.

Sastavni dio ovog zapisnika je neautorizirani transkript nastavka 11. sjednice i neautorizirani transkript 12. sjednice Doma naroda.

**SEKRETAR
DOMA NARODA**
Marin Vukoja, s.r

**PRVI ZAMJENIK
PREDSJEDAVAJUĆEG
DOMA NARODA**
dr. Mladen Ivanić,s.r